

Jon

ndê bapia ñamata-nga

Yom whê bapia dindéc sa-nga

Ngac nañ to bapia dindéc, nañ whê dau sa yêc bapia dau ñalôm dom, magoc lau tiguauc daêsam sêsôm bu Jon, Yisu ndê aposel nañ to Jon ndê ñawaê ñayham, nañ to bapia dindéc whiñ. Inj to bapia dindéc gic lau sêkêñ whiñ-nga hoñ ñawaê. Lau ñatô gauc gêm bu Jon to bapia dindéc têtñ ndoc inj ti ñamalac andô ma ndöc malac Epesas, ma bocdinañ inj to bu lau gameñ Esia-nga sêsam muñ.

Jon kêñ puc lau sêkêñ whiñ-nga pi kédôhônwaga tasan nañ sêsôm bu ñamalac si ñamlic ma gêtñ nom-nga hoñ tisac su. Bocdinañ sêsôm yom pi Anötö ndê Atu (Mesaya) bocdec bu, oc tôm dom bu inj sip nom ma mbo tôm ñamalac. Ma sêsôm bu Yisu inj ñamalac ñambwa, ma sêkêñ whiñ dom bu inj Anötö ndê Atu me Anötö ñandô. Ñac sêtoc lau si gauc sa kêlêc ma sêsôm bu datap gauc sa, dec tôm bu dambo dawhiñ Anötö. Ma sêlic ñamalac si lêtñ gitôm gêtñ ñambwa, dec sêhêgo dau pi mêtê atac whiñ-nga dom, ma gauc gêm bu oc tôm bu lau sêkêñ whiñ-nga sêkôm mêtê sac ñapan.

Jon kêñ puc inj ndê lau bu sêsôc yom tasan kainj dinañ ñapu dom, ma sêsap yom ñandô pi Yisu Kilisi ma mêtê atac whiñ-nga dôn ñanğa.

*Anötö ndê Atu meŋ mbo nom ti ŋamalac
ŋandô*

¹⁻² Yac bu ahoc yom ŋandô asê têt mac, pi Yisu naŋ dasam bu ‘Yom Tanli-ŋga.’ Inŋ yac neŋ dambo tanli ŋapaŋ-ŋga ŋahu, naŋ mbo whiŋ Damaŋ Anötö têt têt ŋamata-ŋga andô, ma tiŋambu hoc dau asê têt yac. Inŋ meŋ mbo nom whiŋ yac, dec yac alic inŋ pi tanôn, amasec inŋ ŋa amaŋ, ma aŋgô inŋ dau ndê yom. Ma bocdinaŋ dec yac bu apuc yom pi tanli ŋahu dau dôn bu yom ŋandô. ³ Aêc! Yac ahoc yom asê têt mac, pi inŋ naŋ yac alic ti aŋgô su. Yac atac whiŋ bu mac akôc yom dau sa, dec yac hoŋ oc dapiŋ dauŋ dôn ti dasap yom ŋandô pi Yisu dôn. Ma yom ŋandô dau oc piŋ yac hoŋ dôn danem damiŋ Damaŋ Anötö lu inŋ ndê Atu, Yisu Kilisi. ⁴ Yac ato yom dindec têt mac, ma akêŋ batan bu mac oc akôc sa, dec oc kôm yac hoŋ datisambuc.

Taŋsêlêŋ dambo Anötö ndê ŋawê ŋalôm

⁵ Ŋawaê naŋ Yisu dau gic dulu têt yac, naŋ yac ahoc asê têt mac bocdec bu, Anötö inŋ Ŋawê Ŋadau, ma mêtê ŋasec-ŋga daŋ yêc inŋ-ŋga dom. ⁶ Bocdinaŋ yac bu dasôm bu dati Anötö ndê lau, tigeŋ dasa lêŋ ŋasec-ŋga, goc yac lau tasaŋ, ma taŋkuc yom ŋandô dom. ⁷ Magoc yac bu dasa neŋ lêŋ dambo ŋawê ŋalôm gitôm Anötö dau mbo ŋawê ŋalôm, dec ŋawê dau piŋ yac dôn dawhiŋ dauŋ, ma inŋ ndê Atunŋac Yisu ndê dac oc êŋgwasiŋ yac neŋ sac hoŋ su. ⁸ Yac bu dasôm bu yac neŋ sac mbasi, dec oc taŋsau dauŋ, ma yom ŋandô yêc yac neŋ ŋalôm dom. ⁹ Magoc yac bu dapu dauŋ ma dahoc neŋ sac asê têt Anötö,

dec dakêṅ whiṅ bu iṅ oc suc yac neṅ sac kwi, ma êṅgwasinṅ yac neṅ ṅalôm ṅawasi sa tiyham. Bu Anötö kôm gêṅ gitêṅ eṅ, ma dakêṅ whiṅ bu gêṅ bocke naṅ iṅ kêmatinṅ tidôṅ bu kôm, naṅ iṅ oc kôm. ¹⁰ Yac bu dasôm bu yac neṅ sac mbasi, naṅ tôc asê bu dalic Anötö ndê yom gitôm yom tasanṅ, ma iṅ ndê yom ṅandô daṅ yêc yac neṅ ṅalôm dom.

2

Yisu gêm yac awhaṅ têṅ Damaṅ

¹ O aneṅ balêkoc, aö atac whiṅ bu mac ahu mêtê sac sinṅ gacgeṅ, ma tu dinaṅ-ṅga dec aö gato yom dindec têṅ mac. Tigeṅ yac neṅ daṅ bu kôm sac ma pu dau, goc yac neṅ ṅgac nem yac awhaṅ-ṅga mbo bu nem yac sa. Iṅ ṅgac gitêṅ Yisu Kilisi, ma iṅ oc lhac ṅalhu ma nem yac awhaṅ têṅ Damaṅ. ² Iṅ kêṅ dau ti da ma mbac ndu ô yac, ma gêmlihi yac neṅ sac ṅatôp su. Magoc iṅ kôm gêṅ dau tu yac taṅwasêṅ-ṅga dom, iṅ gêmlihi lau nom-ṅga hoṅ si sac ṅatôp bocdinaṅ.

³ Yac bu daṅaṅ wambu iṅ ndê yomsu, dec oc tôc asê bu taṅyalê iṅ tidôṅ. ⁴ Asa naṅ sôm bu, “Aö kayalê iṅ tidôṅ,” tigeṅ daṅga wambu iṅ ndê yomsu dom, naṅ kôm tasanṅ, ma yom ṅandô yêc iṅ ndê ṅalôm daṅ dom. ⁵ Magoc asa naṅ kôc Anötö ndê yom sa ma daṅga wambu, naṅ Anötö ndê mêtê atac whiṅ-ṅga gêm ṅandô su yêc iṅ ndê ṅalôm. Ma yac taṅyalê bu dati Anötö ndê lau ṅalêṅ bocdec. ⁶ Yac bu dasôm bu dati iṅ ndê lau, naṅ goc dasa lêṅ gitêṅ tôm Kilisi dau maṅ.

Yisu ndê yomsu pi mêtê atac whiŋ-ŋga

⁷ Aneŋ lau atac whiŋ-ŋga. Aö bu wapuc yomsu naŋ mac akôc su têtŋ ndoc mac akêŋ whiŋ tiwakuc, naŋ dôŋ, magoc aö bu wato tôm yomsu wakuc dom. Inŋ yomsu akwa naŋ mac aŋgô têtŋ ndoc lau sêhoc yom pi Yisu asê têtŋ mac. ⁸ Magoc kwahic dec aö bu wato yomsu dau tiwakuc tiyham têtŋ mac. Yisu ndê lêŋ hoŋ tôc yomsu ŋa-ŋandô asê, ma mac nem lêŋ wakuc kôm yomsu dau ŋandô sa bocdinaŋ. Bu têtŋ ŋasec-ŋga kêpiŋ bu pacndê, ma ŋawê ŋandô dau po asê su.

⁹ Asa naŋ sôm bu inŋ mbo ŋawê ŋalôm, tigenŋ atac whiŋ inŋ ndê asidôwai dom, naŋ gacgeŋ mbo ŋasec ŋalôm. ¹⁰ Magoc asa naŋ tac whiŋ inŋ ndê asidôwai, naŋ mbo ŋawê ŋalôm, ma tu dinaŋ-ŋga gêŋ daŋ oc kôm inŋ peŋ dom. ¹¹ Aö wasôm tiyham, bu asa naŋ gêlic inŋ ndê asidôwa sac, naŋ mbo ŋasec ŋalôm. Inŋ kêsêlêŋ mbo ŋasec, ma ŋasec dau kôm inŋ tandô tipec e inŋ kêyalê gamenŋ naŋ inŋ kêsêlêŋ mbo, naŋ dom.

¹² O aneŋ balêkoc, aö gato yom dindéc têtŋ mac, ŋahu bu Anötö suc mac nem sac kwi su tu Yisu ndê ŋaê-ŋga. ¹³ Ma aö gato yom têtŋ mac lau andô, bu mac aŋyalê inŋ naŋ mbo têtŋ têtŋ ŋamata-ŋga ma mbo ŋapaŋ. Ma aö gato yom têtŋ mac lau batac, bu mac aku Sadaŋ dulu su. O aneŋ balêkoc, mac aŋyalê Damaŋ tidôŋ su, dec aö gato yom têtŋ mac. ¹⁴ Mac lau andô, mac aŋyalê inŋ naŋ mbo têtŋ têtŋ ŋamata-ŋga, ma mbo ŋapaŋ, ma bocdinaŋ dec aö gato yom têtŋ mac. Ma mac lau batac, mac alhac ŋaŋga

ma danam wambu Anötö ndê yom nan tidôn yêc nem ñalôm, ma mac aku Sadañ dulu su. Tu dinañ-nga dec aö gato yom dindec têtj mac.

Dasap gêñ nom-nga dôñ dom

¹⁵ Asa nan tac whiñ gêñ nom-nga, nan Daman Anötö ndê atac whiñ yêc in ndê ñalôm dom. Bocdinañ atac whiñ nom ti gêñ nom-nga dom.

¹⁶ Nahu bu lau nan atac whiñ gêñ nom-nga kêlêc, nan sêsa lêñ ñalôm ñagalac-nga, ñac tagatu gêñ, ma sêtoc dau sa tu ñac si gêñ nom-nga-nga. Mêtê kaiñ dinañ in mêtê nom dindec-nga ñambwa, nan ñadañ meñ akêñ Daman Anötö dom. Mba! ¹⁷ Ma nom dindec ti mêtê nom dindec-nga gic waê bu niñga, tigen asa nan sap Anötö ti in ndê lêñ gitêñ dôñ, nan oc niñga dom, in oc mbo tali ñapan.

*Kilisi ndê Nacyo**

¹⁸ O aneñ balêkoc atac whiñ-nga, têtj kwahic dec-nga ti têtj ñambu-nga. Mac anğô su bu Kilisi ndê ñacyo oc meñ, ma kwahic dec Kilisi ndê ñacyo daêsam sêhêc asê yac su. Ma bocdinañ dec tanjalê bu têtj ñambu-nga dau dindec. ¹⁹ Lau dinañ muñ-nga sêmbo sêwhiñ yac lau dakêñ whiñ-nga, magoc sêhu yac siñ, dec tanjalê bu ñac yac neñ lau solop dom. Nac bu yac neñ lau solop, oc sêhu yac siñ dom.

* **2:17** Kilisi ndê ñacyo - yêc Yom Grik sêto 'anti-kristos.' Yom dau danem kwi bu 'In nan bu kôc †Mesaya (Kilisi) ndê mala,' ma yom dau hêganônñ lau tasan nan sêñsau lau bu ñac Mesaya dau, ma sêsc yom ñandô pi Yisu ahuc. Jon to yom ñatô pi ñac yêc 1 Jon 4:1-6.

²⁰ Tigeŋ Yisu kênj Nalau Dabuŋ sip mac nem ŋalôm su, ma mac hoŋ anyalê su bu yom bocke iŋ yom ŋandô. ²¹ Aö gato bapia dindéc têtj mac tu wawhê yom ŋandô sa têtj mac-ŋga dom. Mba! Mac anyalê yom ŋandô su, ma yom tasanj daŋ meŋ akêŋ Yom Nandô Nadau Anötö dom. ²² Aö bu watôc ŋgac tasanj-nda asê têtj mac. Asa naŋ sôm bu Yisu iŋ †Mesaya dom, naŋ Kilisi ndê ŋacyo, ma sêc yom ŋandô pi Damanj Anötö lu Atu ahuc. ²³ Bu asa naŋ sôm bu Yisu iŋ Anötö ndê Atu dom, naŋ ti Damba ndê gêtj dom. Magoc asa naŋ kêtj whiŋ bu Yisu iŋ Anötö Atu, naŋ ti Damba ndê gêtj. ²⁴ Ayob daôm ŋapep bu yom ŋandô naŋ mac aŋgô têtj ndoc mac akêŋ whiŋ tiwakuc, naŋ tidôŋ yêc nem ŋalôm ŋapanj. Yom dau bu yêc nem ŋalôm ŋapanj, dec yom dau piŋ mac dôŋ am damiŋ Atuŋgac ma piŋ mac dôŋ am damiŋ Damba whiŋ. ²⁵ Ma bocdinaŋ mac oc atap mwasin dandöc taŋli ŋapanj-ŋga sa, tôm iŋ gic bata têtj yac su.

²⁶ Aö gato yom dindéc bu wakêtj puc mac pi lau naŋ bu sêŋsau mac. ²⁷ Aŋgô su naŋ! Nalau naŋ gêm gôliŋ lau tasanj dinaŋ, iŋ Nalau Dabuŋ dom. Magoc Yisu kêtj Nalau Dabuŋ têtj mac su, ma iŋ Nalau Yom Nandô-ŋga. Ma iŋ mbo nem ŋalôm ŋapanj bu êndôhônj mac pi gêtj hoŋ. Tu dinaŋ-ŋga mac apônda lau tu sêndôhônj mac-ŋga dom. Bocdinaŋ aŋkuc yom naŋ Nalau Dabuŋ kêtj têtj mac, ma asap Yisu dôŋ ŋapanj.

Anötö ndê Balêkoc

²⁸ Anenj balêkoc, aö wasôm têtj mac bu asap Kilisi dôŋ. Ma boc-dinaŋ têtj ndoc iŋ mbu meŋ

ma hoc dau asê, nañ yac oc dalhac iñ aṅgô-ṅga ti atac pa su ma mayañ daun dom. ²⁹ Mac aṅyalê su bu iñ ndê lêṅ hoṅ iñ lêṅ gitêṅ eṅ, ma bocdinañ aṅyalê bu lau hoṅ nañ sêsa lêṅ gitêṅ, nañ Anötö kôm ṅac sêtiwakuc sêti iñ ndê balêkoc su.

3

¹ Alic su nañ. Damañ Anötö tac whiñ yac ndu andô, dec sam yac bu iñ ndê balêkoc. Ma yac dati iñ ndê balêkoc su yomandô. Magoc lau nom dindec-ṅga sêṅyalê yac bu Anötö ndê balêkoc dom, ṅahu bu ṅac sêṅyalê iñ dom bocdinañ. ² O aneñ lau atac whiñ-ṅga, kwahic dec yac taṅyalê su bu dati Anötö ndê balêkoc, magoc ṅalêṅ bocke nañ yac oc dambo têṅ têm ṅambu-ṅga, nañ Anötö tôc asê têṅ yac su dom. Tigeñ têṅ ndoc Yisu mbu meñ, nañ yac oc dalic iñ ndê ṅawasi ti lêṅ nañ iñ dau mbo, ma taṅyalê bu yac oc dambo ṅalêṅ kaiñ tigeñ. ³ Ma lau hoṅ nañ sêkêṅ bata gêṅ dinañ, nañ sêmasañ dau si ṅalôm ṅawasi sa, ma sêsa lêṅ ṅawasi tôm iñ dau.

⁴ Asa nañ kôm sac, nañ kêgili Anötö ndê yomsu. Bu sac ṅahu sip yac dakôm gêṅ nañ so Anötö ndê yomsu. ⁵ Magoc mac aṅyalê bu Yisu sip meñ bu kôc yac neñ sac su. Ma iñ dau ndê sac mbasi. ⁶ Bocdinañ asa nañ sap Yisu dôn, nañ hu mêtê sac siñ ndic ṅawaê. Magoc asa nañ kôm sac ṅapañ, nañ ndê gauc sa pi Yisu dom, ma kêyalê iñ dom.

⁷ Aneñ balêkoc, ayob daôm bu ṅamalac dañ êṅsau mac pi mêtê sac dom. Asa nañ kôm mêtê ṅayham, nañ ti ṅamalac gitêṅ kêkuc Yisu dau ndê lêṅ gitêṅ. ⁸ Magoc asa nañ kôm sac, nañ

ti Sadaŋ ndê. Bu Sadaŋ dau kôm sac têtj têtj n̄amata-n̄ga andô ma kôm n̄apaŋ e meŋ. Anötö ndê Atu sip nom meŋ naŋ n̄ahu bocdec bu, tu bu seŋ Sadaŋ ndê gwelen su. ⁹ N̄amalac bocke naŋ Anötö kôm in̄ tiwakuc, naŋ puc dômbwê mêtê sac. N̄ahu bu Anötö ndê yom yêc in̄ ndê n̄alôm gitôm gêŋ n̄awhê n̄ayham. Yomandô! Gitôm dom bu in̄ sap mêtê sac dôŋ, n̄ahu bu Anötö kôm in̄ tiwakuc su. ¹⁰ Tu dinaŋ-n̄ga dec taŋyalê yêc awê lau bocke naŋ sêti Anötö ndê balêkoc, ma n̄ac naŋ sêti Sadaŋ ndê. Lau naŋ sêsap lêtj gitêtj dôŋ dom, ma n̄ac naŋ sêtec si asidôwai, naŋ sêti Anötö ndê balêkoc dom.

Mêtê atac whiŋ asidôwai-n̄ga

¹¹ Yom atu naŋ sêhoc asê têtj mac têtj ndoc mac akêtj whiŋ tiwakuc, naŋ bocdec bu, yac atac whiŋ neŋ asidôwai sêkêtj whiŋ-n̄ga dandic n̄awaê. ¹² An̄kuc Kein dom, bu in̄ kêtj lêtj atac whiŋ-n̄ga dom. In̄ Sadaŋ ndê atu, ma gic asi Abel ndu. N̄ahu bu in̄ dau ndê lêtj sac, ma in̄ gêm lêmun̄ Abel ndê lêtj solop.

¹³ O asidôwai. Lau nom-n̄ga bu sêtec mac, naŋ ahêgo daôm dom. ¹⁴ Yac taŋyalê bu dahu seŋ dambac ndu-n̄ga siŋ, ma dambo seŋ dandöc taŋli-n̄ga. N̄ahu bu yac atac whiŋ asidôwai. Lau naŋ atac whiŋ asidôwai dom, naŋ gacgeŋ sêmbo seŋ sêmbac ndu-n̄ga. ¹⁵ Asa naŋ atac tec in̄ ndê asidôwa, naŋ Anötö gêlic in̄ gitôm n̄gac ndic n̄amalac ndu-n̄ga. Ma mac aŋyalê su bu asa naŋ gic n̄amalac ndu, naŋ wêkaiŋ gamen̄ dandöc taŋli n̄apaŋ-n̄ga dom.

16 Yac taɲyalê mêtê atac whiɲ-ɲga ɲahu bocdec bu. Yisu Kilisi dau mbac ndu tu yac-ɲga. Bocdinaɲ dakêɲ daɲ sambuc tu danem asidôwai sa-ɲga e tôm dambac ndu tu ɲac-ɲga. 17 Asa naɲ gêlic asidôwa daɲ pônɗa dau, ma ndê gêɲ yêc tu nem iɲ sa-ɲga, magoc tawalô iɲ ma gêm iɲ sa dom, naɲ tôte asê bu Anötö ndê mêtê atac whiɲ-ɲga yêc iɲ ndê ɲalôm dom. 18 O aneɲ balêkoc, yham dom bu dasôm bu yac atac whiɲ asidôwai ɲa yom ti whaɲsuɲ ɲambwa. Danem ɲac sa, goc tôte asê bu yac atac whiɲ ɲac yomandô.

Dalhac ti atac pa su yêc Anötö aɲgô-ɲga

19-20 Bocdinaɲ, yac bu atac whiɲ neɲ asidôwai, goc taɲyalê tidôn bu taɲkuc lêɲ yom ɲandô-ɲga. Magoc yac bu ɲalôm ɲawapac yêc Anötö aɲgô-ɲga tu mêtê ɲatô naɲ dakôm-ɲga, naɲ goc gauc nem yom bocdec bu. Anötö kêyalê yac neɲ ɲalôm ti gêɲ hoɲ, ma iɲ ndê tawalô iɲ gêɲ atu. Ma yom dau gitôm bu kôm yac ɲalôm pêɲ dôɲ. 21 O aneɲ lau atac whiɲ-ɲga, yac bu ɲalôm lu-lu tu neɲ lêɲ-ɲga dom, dec oc tôm bu datigasuc Anötö ti atac pa su. 22 Ma taɲyalê bu gêɲ naɲ dateɲ, naɲ iɲ oc kêɲ têtɲ yac. ɲahu bu yac dasôc iɲ ndê yomsu ɲapu, ma dakôm mêtê naɲ iɲ gêlic ɲayham. 23 Ma iɲ ndê yomsu dau bocdec bu. Dakêɲ whiɲ iɲ ndê Atu Yisu Kilisi, ma atac whiɲ neɲ asidôwai tôm iɲ gic atu yac. 24 Lau hoɲ naɲ daɲga wambu Anötö ndê yomsu, naɲ sêmbo iɲ ɲalôm, ma iɲ mbo ɲac ɲalôm. Ma taɲyalê bu iɲ mbo yac ɲalôm, tu ɲalau Dabuɲ naɲ iɲ kêɲ têtɲ yac-ɲga.

4

Tarṣahê ṅalau hoṅ

¹ O aneṅ lau atac whiṅ-ṅga, akêṅ whiṅ lau hoṅ naṅ sêsam dau bu Anötö ndê propet, naṅ dom. Mba! Ayob daôm ṅapep, bu propet tasanṅ daêsam sêhóc asê su. Bocdinaṅ aṅsahê ṅac si yom, tu bu alic bu Anötö ndê ṅalau gêm gôliṅ ṅac, me mba. ² Ma mac oc aṅyalê Anötö ndê ṅalau ṅalêṅ bocdec. Asa naṅ sôm bu Yisu Kilisi meṅ ti ṅamalac ṅandô ma mbo nom, naṅ Anötö ndê ṅalau gêm gôliṅ iṅ. ³ Tigeṅ lau hoṅ naṅ sêsêc yom ṅandô pi Yisu ahuc, naṅ sêkóc Anötö ndê ṅalau dom. ṅalau naṅ gêm gôliṅ ṅac, naṅ Kilisi ndê ṅacyo ndê. Mac aṅgô su bu Kilisi ndê ṅacyo oc meṅ, ma iṅ meṅ hóc asê nom su.

⁴ Aneṅ balêkoc, mac ati Anötö ndê, ma mac aku ṅac lau tasanṅ dinaṅ dulu su. ṅahu bu Anötö ndê ṅalau naṅ mbo mac nem ṅalôm, naṅ hóc gêlêc Sadaṅ, naṅ mbo lau nom-ṅga si ṅalôm, naṅ su. ⁵ Lau tasanṅ dinaṅ si ṅahu yêc nom, ma sêsôm yom nom-ṅga ṅambwa. Ma lau nom-ṅga sêkóc ṅac si yom sa. ⁶ Magoc ṅac sêkóc yac mba yom sa dom, ṅahu bu ṅac sêti Anötö ndê lau dom. Yac ati Anötö ndê, ma lau hoṅ naṅ sêṅyalê Anötö, naṅ sêkóc yac mba yom sa. ṅalêṅ dinaṅ dec yac tanyalê lau asa naṅ Anötö ndê ṅalau Yom ṅandô-ṅga gêm gôliṅ ṅac, ma lau asa naṅ Sadaṅ ndê ṅalau yom tasanṅ-ṅga gêm gôliṅ ṅac.

Mêtê atac whiṅ-ṅga ṅahu Anötö dau

⁷ O aneṅ lau atac whiṅ-ṅga, yac atac whiṅ neṅ asidôwai dandic ṅawaê, bu mêtê atac whiṅ-ṅga meṅ akêṅ Anötö dau. Lau hoṅ naṅ atac whiṅ

asidôwai, naŋ Anötö kôm ɲac sêtiwakuc, ma ɲac sêɲyalê in̄ tidôn̄. ⁸ Asa naŋ tac whiŋ ndê asidôwai dom, naŋ kêyalê Anötö dom, bu Anötö in̄ mêtê atac whiŋ-ɲga ɲahu. ⁹ Ma in̄ tôc in̄ ndê mêtê atac whiŋ yac-ɲga yêc awê bocdec bu. In̄ kêŋ in̄ ndê Atu tigen̄ sip nom meŋ, bu yac datap seŋ dandöc taŋli-ɲga sa yêc in̄. ¹⁰ Yac neŋ mêtê atac whiŋ Anötö-ɲga naŋ ti mêtê atac whiŋ-ɲga ɲa-ɲahu andô dom. Tigen̄ Anötö ndê mêtê atac whiŋ yac-ɲga, naŋ mêtê atac whiŋ-ɲga ɲa-ɲahu andô. Bu in̄ kêŋ ndê Atu sip nom meŋ, ma kêŋ dau ti da bu nemlhi yac neŋ sac ɲatôp.

¹¹ O aneŋ lau atac whiŋ-ɲga, Anötö tac whiŋ yac ndu andô, ma bocdinaŋ yac atac whiŋ neŋ asidôwai dandic ɲawaê. ¹² ɲamalac daŋ gêlic Anötö su dom, tigen̄ yac bu atac whiŋ neŋ asidôwai ɲandô, dec Anötö mbo yac neŋ ɲalôm, ma in̄ ndê mêtê atac whiŋ-ɲga gêm ɲandô su yêc yac neŋ ɲalôm.

¹³ Yac taŋyalê bu dambo in̄ ɲalôm ma in̄ mbo yac ɲalôm, tu ɲalau Dabuŋ naŋ in̄ kêŋ têt̄ yac-ɲga. ¹⁴ Damaŋ Anötö kêkiŋ ndê Atu sip nom meŋ bu nem lau nom-ɲga si. Yac alic su, dec ahoc asê têt̄ lau bu yomandô. ¹⁵ Ma asa naŋ kêŋ whiŋ ma sôm asê bu Yisu in̄ Anötö ndê Atu, naŋ mbo Anötö ɲalôm ma Anötö mbo in̄ ɲalôm. ¹⁶ Yac taŋyalê ti dakêŋ whiŋ su, bu Anötö atac whiŋ yac ndu andô. Bu Anötö in̄ mêtê atac whiŋ-ɲga ɲahu, ma asa naŋ sap mêtê atac whiŋ-ɲga dôŋ, naŋ mbo Anötö ɲalôm, ma Anötö mbo in̄ ɲalôm. ¹⁷ Ma ɲalêŋ dau dinaŋ in̄ ndê mêtê atac whiŋ-ɲga gic dabiŋ dau yêc yac neŋ ɲalôm, ma

yac dasa neŋ lëŋ gitôm in ndê, tôm yac neŋ têm dambo nom-ŋga hoŋ. Tu dinaŋ-ŋga dec yac oc dalhac ti atac pa su tēŋ bēc Anötö êmatôc yac-ŋga. ¹⁸ Tēŋ ndoc Anötö ndê mêtê atac whiŋ-ŋga gic dabiŋ dau su yêc yac neŋ ŋalôm, naŋ yac datôc dauŋ tiyham dom. Magoc asa naŋ töc dau tu Anötö ndê bēc matôc-ŋga, naŋ têt asê bu Anötö ndê mêtê atac whiŋ-ŋga gic dabiŋ dau yêc in ndê ŋalôm su dom.

¹⁹ Yac taŋkuc mêtê atac whiŋ-ŋga, ŋahu bu Anötö atac whiŋ yac muŋ su. ²⁰ Asa naŋ sôm bu, “Aö atac whiŋ Anötö,” tigeŋ tec in ndê asidôwa, naŋ kôm tasan. Ŋahu bu asa naŋ tec asidôwa naŋ in gêlic su, naŋ gitôm dom bu tac whiŋ Anötö naŋ in gêlic su dom. ²¹ Ma Anötö gic yomsu yac bocdec bu, “Asa naŋ atac whiŋ aö, naŋ atac whiŋ in ndê asidôwai maŋ.”

5

Dakêŋ whiŋ Yisu Kilisi, Anötö Atu

¹ Lau hoŋ naŋ sêkêŋ whiŋ bu Yisu in Mesaya dau, naŋ Anötö kôm ŋac sêtiwakuc sêti in ndê balêkoc. Ma asa naŋ tac whiŋ Damba, naŋ tac whiŋ lau naŋ sêti in ndê balêkoc, naŋ sêwhiŋ. ² Ma yac datôc asê bu yac atac whiŋ Anötö ndê balêkoc ŋalêŋ bocdec bu, yac atac whiŋ Anötö dau, ma dasôc in ndê yomsu ŋapu. ³ Yomandô! Yac atac whiŋ Anötö ŋalêŋ bocdec bu, dajaŋ wambu in ndê yomsu. Ma in ndê yomsu kên wapac yac dom. ⁴ Lau hoŋ naŋ Anötö kôm ŋac sêtiwakuc, naŋ sêku ŋaclai sac nom-ŋga dulu. Ma gêŋ naŋ ku ŋaclai sac nom-ŋga dulu, naŋ yac

neŋ dakêŋ whiŋ. ⁵ Seŋ tigeŋ yêc bu daku ŋaclai sac nom-ŋga dulu, naŋ dakêŋ whiŋ bu Yisu iŋ Anötö ndê Atu.

Gêŋ naŋ sêpuc yom ŋandô pi Yisu dôn

⁶ Yisu Kilisi sip nom meŋ, ma bu ti dac whê iŋ sa bu Anötö Atu. Bu ŋambwa dom, magoc bu ma dac whiŋ. Ma Ŋalau Dabuŋ, naŋ Ŋalau Yom Ŋandô-ŋga, naŋ puŋ yom ŋandô pi iŋ dôn bocdinaŋ. ⁷ Boc-dinaŋ, gêŋ tö sêwhê iŋ sa, ⁸ naŋ Ŋalau, bu, ma dac. Ma gêŋ tö dinaŋ sêpuc dau dôn. ⁹ Yac dakôc yom naŋ lau sêhoc asê pi Yisu, naŋ sa, ma bocdinaŋ yom bocke naŋ meŋ akêŋ Anötö, naŋ dakôc sa eŋ, bu Anötö ndê yom hôc gêlêc ŋamalac si yom. Ma Anötö kêŋ gêŋ tö dinaŋ tu bu whê iŋ ndê Atu sa têŋ yac. ¹⁰ Asa naŋ kêŋ whiŋ Anötö ndê Atu, naŋ kôc Anötö ndê yom pi iŋ ndê Atu sa sip iŋ ndê ŋalôm. Magoc asa naŋ kêŋ whiŋ Anötö dom, naŋ tôc asê bu iŋ gêlic Anötö ndê yom gitôm yom tasanŋ. Ŋahu bu iŋ kêŋ whiŋ gêŋ naŋ Anötö kêŋ bu whê iŋ ndê Atu sa, naŋ dom.

Mwasinŋ dandöc taŋli ŋapaŋ-ŋga

¹¹ Ma yom naŋ Anötö hoc asê têŋ yac naŋ bocdec bu. Iŋ kêmwasiŋ yac ŋa mwasinŋ dandöc taŋli ŋapaŋ-ŋga, ma datap mwasinŋ dau sa yêc iŋ ndê Atu. ¹² Asa naŋ kêŋ whiŋ Anötö ndê Atu, naŋ tap seŋ ndöc tali-ŋga sa. Tigeŋ asa naŋ kêŋ whiŋ iŋ ndê Atu dom, naŋ tap seŋ ndöc tali-ŋga sa dom.

¹³ Mac lau naŋ akêŋ whiŋ Anötö ndê Atu. Aö gato yom dindec, ŋahu bu aö atac whiŋ bu mac

añyalê tidôn bu mac atap mwasin andöc tamli-nga sa su. ¹⁴ Bocdinañ têt ndoc nañ yac bu daten mbec têt Anötö, nañ daten ti atac pa su. Ma yac bu daten gêt nañ gi tap in ndê atac whin sa, nañ yac tañyalê bu in oc ngô yac neñ mbec. ¹⁵ Ma yac bu tañyalê bu in kêt danğa yac neñ mbec su, goc tañyalê bu gêt nañ daten, nañ in oc kôm ñandô sa.

Daten mbec pi lau nañ sêkôm sac

¹⁶⁻¹⁷ Mac bu alic nem asidôwa dan kôm sac, goc aten mbec têt Anötö bu nem in kwi e in mbu meñ mbo señ dandöc tañli-nga tiyham. Mêtê hoñ nañ so Anötö ndê lêt, nañ mêtê sac, ma in gêlic bu gêt ñambwa dom. Magoc sac hoñ gic waê lambwam dom. Aten mbec tu lau nañ sêkôm sac kain dinañ-nga. Mêtê sac dan yêc, nañ gic waê lambwam solop.* Aten mbec tu lau nañ sêkôm sac kain dinañ-nga dom, bu oc nem ñac sa dom.

Yom ñambu-nga

¹⁸ Tañyalê bu lau hoñ nañ Anötö kôm ñac sêtiwakuc su, nañ sêhu mêtê sac sin. Anötö ndê Atu yob ñac ñapep ma Sadañ gitôm dom

* **5:16-17** Lau ti gauc mêtê-nga gauc gêm bu Jon ndê yom pi sac nañ gic waê lambwam solop, nañ ñahu bocdec bu. Lau nañ sêkôm mêtê sac ñapañ ma sêlic bu gêt ñambwa, nañ gitôm sêpuc dômbwê Anötö ti in ndê yom, ma sêpu Yisu ndê mbac ndu tu ñac si sac-nga (Hib 6:4-6; 10:29-31). Tu ñac si sac dinañ-nga dec ñac sic waê bu sêsip lambwam sêndi. Ñac si ñalôm ñadandi sa su, ma yac bu daten mbec tu ñac-nga, dec oc nem ñac sa dom. Alic yom nañ Yisu sôm pi sac nañ Anötö oc suc kwi dom (Mat 12:31; ma Mak 3:29).

bu êmasec ñac. ¹⁹ Ma yac tañyalê bu yac dati Anötö ndê balêkoc su, magoc lau hoñ nañ sêkêñ whiñ dom, nañ sêmbo Sadañ ndê gôliñ ñapu.

²⁰ Ma yac tañyalê bu Anötö ndê Atu sip nom meñ ma whê yac neñ gauc sa bu tañyalê Anötö Yom Nandô Nadau. Ma yac dambo iñ ñalôm, ma dambo iñ ndê Atu, Yisu Kilisi ndê ñalôm bocdinañ. Iñ dau Anötö ñandô, ma ti yac neñ dandöc tañli ñahu.

²¹ Aneñ balêkoc, ayob daôm ñapep bu anem akiñ anötöi gwam dom.

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 21 Feb 2024 from source
files dated 29 Jan 2022

1dcc5a6c-3c1e-54e8-aa77-af18a3782048